



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Annvs Diervm Illvstrivm Societatis Iesv. siue in Anni dies  
digestæ Mortes Illvstres Eorum qui ex eadem Soc. Iesu, in  
odium fidei, pietatis, &c. ... confecti sunt**

**Nádasi, János**

**Romæ, 1657**

Aprilis.

**urn:nbn:de:hbz:466:1-44029**

*Mors.*

accerfere . Semel, ac iterum  
 dire verberatus, in iplo car-  
 ceris in quem reducebatur  
 vestibulo vi dolorum pro-  
 stratus, innocentem animam  
 fortiter expirauit, ipsâ Chri-  
 sti morientis horâ, vt perhi-  
 bent: & cum ipsis manicis  
 atque compedibus, ita vt  
 vinctus erat, sepultus est.  
 Orandi assiduitate supra lau-  
 des alias insignis emicuit .

## APRILIS.

*P. Gaspar Osorius de Valde-  
 rauano, &*

*P. Antonius Riparius .*

*In Para-  
 quaria.  
 1. April.  
 1639.*

**I**N Paraquaria vterque  
 fœcundis pro religione  
 sudoribus inclytus prosperè  
 laborauit; & in Ciaccorum  
 Prouincia, ob damnatas aui-  
 tas gentis superstitiones,  
 vtrius-

utriusque caput ligneis clavis contusum est. Ita interfectorum rasos vertices, in odium fidei & sacri ordinis conerpsere; pectoribus etiam laceratis. Fama fuit, Patres hos iam trucidatos barbaris apparuisse, sacrificali veste, ac multâ luce circumdatos, enixèque commonuisse; ut Christo sese addicerent, Patribus alijs ad fidei magistrum aduocatis: id quod ipsi barbari prodidère.

*B. Gaspar Osorius* Angelum suum custodem coluit studio planè singulari, officio in eius honorem quotidie recitato, & Angelicâ quadam oculorum, totiusque oris modestiâ. In Deiparæ vigilijs, pane ac frigidâ circumscribebat ieiuniû; flagro ferreis rotulis armato se cæde-

F 3. bat.

*Fides.*

*Hispanus.  
at. 44.  
Soc. 27.  
Ang. Custos.  
B. V.*

*Mortificatio.*

bat; quietem verò non alio cervicali vsus quàm lapide, capiebat.

*Italus .  
etat. 31.  
Soc. 12.  
S. Ioseph.  
S. Xaue-  
rius.  
Mare .  
Mortif.*

*P. Antonius Riparius* magno erga S. Iosephum vt cultu, ita fiducia spectabilis, dicebat se ab eo nihil admodum quod non obtinuerit petijisse. S. Xauerij reliquijs maris tempestatē tranquillauit: quocirca voti religione promisit se, 1. Decēbris perpetuum ieiunium seruaturum; sextâ quoque qualibet feriâ, ex voto item, panis tantum & aquæ vsu contentus. Huius cæsi caput visum sæpius exultare, cum corpus truncum staret ingenti spectantium admiratione.

*Anglus  
Vigornia.  
7. April.  
1606.*

*P. Eduardus Oldcornus Hal-*  
*lus.* Romæ ad Societatem  
adlectus, in Angliâ feliciter

no-

nobilem matronam conuertit, inediâ, & assiduâ precatio-  
 ne ad Deum fusâ, cum illam  
 orthodoxæ fidei momentis  
 quantumlibet peritè addu-  
 ctis permouere non posset.  
 Conuersam se aiebat, quòd  
 vidisset P. Eduardum, sui  
 causâ quarto iam die ieiunium  
 tolerare. Athoritate,  
 ac ex eo sanctâ quadam li-  
 bertate, cum polleret, Lon-  
 dini in fenestra viri Catho-  
 lici Martem & Venerem pi-  
 etam vidit, ac pugno con-  
 fregit. Malum cancro per-  
 simile, quod in eius ore ser-  
 pebat, repente sanus S. Vve-  
 nefridę Virginis ope discuf-  
 sit. Duodeuiginti annis in  
 patriâ illa vineâ, solerti assi-  
 duitate, laborauit: postea  
 in eius quam propagabat fi-  
 dei odiû tentus est, & suspen-

*Zelus.**Mortif.**S. V. vene-  
frida.*

fus, ac laniatus . Ignem, quo  
 eius intestina combusta sunt,  
 per totos sexdecim dies in  
 cinere arsisse affirmant . Sa-  
 tellites aquam ei plurimam  
 affudere ; neque tamen ex-  
 tinctus est . decimosextimo  
 demum die in luculentam,  
 flammam erupit, & oppres-  
 sus est : id quod diuinitus  
 factum putant ad Eduardi  
 innocentiam contestandam .  
 Ibidem corona viridis, veluti  
 regium diadema, creuit in  
 gramine , diuque perman-  
 sit .

*Mors.**Corona.*

*Sardus.*  
*in Phillip-*  
*pinis .*  
*10. April.*  
*1645.*  
*atat. 40.*  
*Soc. 23.*

*P. Ioannes Dominicus Are-*  
*seus .* Emenso Philosophiæ,  
 Theologiæq; totius curricu-  
 lo, Coadiutor spiritualis for-  
 matus Philippinas obtinuit.  
 vbi in Cabaliensi vico na-  
 uiter procurauit ea quæ ad  
 salutem animarum spectant.

Mor-

Mortem ibidem honestissi-  
 ma in causa oppetijt, inter  
 orandum hastâ confixus ab  
 Indo quem reprehenderat  
 quòd se certiozem minimè  
 reddidisset, Matrem de vita  
 periclitari, adeòque illam  
 suâ seu negligentia seu ma-  
 litiâ sinè sacramentorû ope  
 de vita migrare fuisset. Per-  
 cussor Indus solâ fugâ se ne-  
 ciseius authorem esse pro-  
 didit, cùm id P. Ioannes, vi-  
 rus adhuc repertus ab Indis  
 alijs, prodere nunquam vo-  
 luerit.

P. Brunus Brunus à S. Cruce.

In Romano Seminario se-  
 uere in seipsum virtutis exē-  
 plar fuit Brunus, cùm se ter-  
 tiò quothebdomadis cingulo  
 scorteo verberaret, cate-  
 nulis ferreis cingeret, ter in  
 hebdomada ieiunaret, accu-

F 5 ratè

Italus.  
 in Aethiop.  
 12. April.  
 1640.  
 atat. 50.  
 Soc. 35.

*Mortif.**B.V.  
S. Catharina.*

ratè ad omne punctum legū  
 Seminario præscriptarum  
 sese componeret; ingenio,  
 musicæ peritiâ, piâ morum  
 facilitate amabilis. Ad So-  
 cietatem in vigilia B. V. Af-  
 sumptæ admissus, se ad ar-  
 duas missiones quotidianâ  
 sui flagellatione, duro lecto,  
 fame ac siti exercebat. In  
 Seminario Romano à prima  
 die quâ S. Catharinę Christo  
 paruulo in B. V. sinu seden-  
 ti desponsatæ imaginem vi-  
 dit puer, illam quotidie ma-  
 nè ac vesperi salutavit. Ad-  
 fuit illi postea in Æthiopia  
 cum Iesu paruulo Virgo Dei  
 Mater, cum fortitudinem  
 peteret contra pericula, &  
 tormenta; & inserto illi in-  
 digitum cælesti annulo, fe-  
 stum ei desponsationis, quam  
 in Iesu & Catharina colue-  
 rat



rat, celebrauit. In Æthiopi- *Sacrum.*  
co itinere, cum diuinis ope-  
raretur, totus illi vultus vi-  
sus luce perfundi. Quinde-  
cim inter barbaros fidei Ro-  
manæ infestos lethalibus  
plagis acceptis vixit super-  
stes; id quod infans quidam  
(hactenus nunquam locu-  
tus, & illum neque postea  
in tormentis à constantia  
recessurum affirmans) fore  
prædixerat; quodque Chri-  
stiani à Deo impensius fla-  
gitabāt indicto ieiunio par-  
vulis quoque lactentibus.  
In excelso monte, vbi cum  
Catholicis alijs obsideba-  
tur, in summâ aquæ penuria,  
& siti, nudipes SS. Sacramē- *Patientia.*  
tum in supplicatione circū-  
tulit, ieiunio suis prius indi-  
cto. Ita impetrauit vt in  
monte illo abundè pluerit.

Ab Alexandrinis Schismaticis Romanæ fidei perinfectis magna perpeffus, & ad mortem damnatus, ipfo quo in odium Orthodoxæ fidei suspendi debebat die, P Ludouico Caldeiræ ad genua supplex aduolutus, enixè petijt funi suo, & sibi benedici: & suspensus, lapidibus est appetitus. Propertius Medicus, Bruni germanus, datas à Bruno ad se ex Æthiopia literas admouit humero, in quo acerbis doloribus yrebatur, à Deo per Brunum sanitatem petens, si verum esset quòd P. Brunus in Romanæ fidei odium occisus esset. Confestim cessit dolor, nec redijt.

*Lusitanus.*  
*ibid.*  
*etat. 55.*  
*Soc. 39.*

*P. Ludouicus Caldeira.*  
 Hic Bruni comes fuit in  
 Apostolatu Æthiopico, ac  
 so-

focius ærumnarum. Suspendendo P. Bruno, & eius funi benè precatus, ille quoque post Brunum pari de causa suspensus est; & vterque lapidum imbre impetitus, pro more Æthiopũ Catholicos hac morte damnantium. Schismatici repertam Crucifixi quã Brunus, & Ludovicus utebantur, effigiem abiecere, ceu idolum Romanæ fidei, vt illi aiunt. Corpora de patibulo deposita custodita sunt per diligentem: postea incertum, quò euauerint, cum nec ab hominibus, nec à feris ablata fuisse constaret. Alijs diuinitus ibi actum quidpiam opinatis, malim existimare attentam sagacis cuiuspiam Catholici industriam, pio ingenio, modum aliquem,

*Fides.*

reperisse quo illa clam sub-  
legetur ad priuatam vene-  
rationem.

*P. Henricus Vualpolus.*

*Anglus.  
Eboraci.  
17. April.  
1595.  
ætat. 36.  
Soc. II.*

Adhuc adolescens cum  
esset, viginti hæreticos or-  
thodoxis lucrifecit: ad So-  
cietatem exemplo suo vnum  
suum consobrinum, & tres  
germanos suos pellexit. An-  
no 1593. 4. Decembris cap-  
tus, Eboraci iudicibus pro-  
didit se quis esset; scripto  
quoque porrecto testatus, se  
fidei causâ in Angliam re-  
uertisse. Adiecit in eodem  
commentariolo controuer-  
sa quædam; & paræneticam  
de fide Catholica amplectē-  
da; oblatam etiam ab ami-  
cis occasionem è carcere fu-  
giendi fortiter aspernatus.  
In Londinensem carcerem  
compactus 25. Febr. anno

*Fides.*

1594.

1594. fame, siti, frigore pef-  
simè habitus, & 14. vicibus  
quæstioni subiectus est. vn-  
de à morte repertum est,  
vtrumque pollicem tunc illi  
fuisse auulsum. In loco vbi  
orabat, super murum de-  
scripsit nouem choros An-  
gelorum; & his imminens  
MARIÆ Matris Dei, ac su-  
per hanc IESV, super om-  
nia deniq; DEI nomen He-  
braicè, Græcè, Latinè. Ebo-  
racum retractus, in carcere  
noctu ferè orabat, donec  
fessum somnus breuis oppri-  
meret. Ibidem pangere illi  
otium & animus fuit. pia  
quædam carmina materno  
idiomate scitè ac eleganter.  
Ita disputauit, vt omnes in  
stuporem adduxerit; fons  
etiam sapientiæ à quopiam  
appellatus. 13. Aprilis cate-  
nis

*Oratio.*

*Fides.*

nis grauis inter reos iudici-  
 bus sistitur. Summa obie-  
 ctorum erat; quòd Sacerdos;  
 quòd alios ad Papæ fidem  
 accersat, vt alij Sacerdotes,  
 quòd in Angliam venerit  
 orthodoxæ religionis pro-  
 ferendæ causâ; eòque pro-  
 nunciatus est læsæ maiestatis  
 reus, duodecimuiris nequic-  
 quam suadentibus, vt se pa-  
 triæ legibus accommodet.  
 Patri suo scripsit capite iam  
 damnatus; vt excubitoribus  
 suis certam pecuniæ summã  
 donet. Suasum illi etiam  
 extremis vitæ horis, vt Re-  
 ginæ voluntati obsecundet  
 in agnoscendo atque testan-  
 do eius primatu Ecclesiasti-  
 co. Renuit, & respondit; id  
 esse contra diuinas leges.  
 Ergò datâ omnibus veniã,  
*Charitas.* Catholicos vt pro veræ fidei  
 lu-

lumine alijs impetrando *Mors.*  
Deum orent hortatus, *Pater*  
*noster* clarè dixit; & *Aue*  
MARIA exorsus necdum, *B.V.*  
finierat, cùm de scalis detur-  
batus, strangulatus, fune  
præciso deiectus, quadrifa-  
riam sectus est; ad atrox in-  
noxij viri spectaculum la-  
chrymatis facilè bis mille-  
nis.

*P. Christophorus de Mendoza.*

E Peruano Regno in Pa- *Hispanus.*  
raquariam clam profugit a- *in Para-*  
dolescens, vt Societati no- *quaria.*  
men dare posset, auulsus à *25. April.*  
nobili sua domo. In Socie- *1635.*  
tate omnia quæ agebat, pa- *ætat. 46.*  
tiebaturùe, in sacrificium *Soc. 19.*  
Deo pro animabus purga- *Purgato-*  
torij offerebat. Plures co- *rium.*  
lonias inter barbaros insti-  
tuit, plurimis ad Christi fidè  
adductis; donec à veneficis,

*Fides.*

celebris magi iussu in eum  
 irruentibus, sagittis confos-  
 sus est; vnâ per tempora,  
 duabus in humeris. tum su-  
 de illi caput quassatum est.  
 Veneficorum vnus eius au-  
 riculam abstulit pro præda.  
 Crucifixus ex eius collo pē-  
 dens repertus, cachinnis ac  
 fannis exceptus. Adhuc vi-  
 uentis, & Christi fidem præ-  
 dicantis os malleo à venefi-  
 cis cōtusum, dentesque plu-  
 res excussi. Mox raptato na-  
 sus, auris, vtrumque labium,  
 lingua demum abscissa. tum  
 demum desijt Christum lo-  
 qui. Pectus denique aper-  
 tum, euulsum cor, & intesti-  
 na è ventre. Cadauer in  
 flumen abiectum.

*Lufitanus.*  
*in Æthio-*  
*pia.*

*25. April.*  
*1635.*

*etat. 42.*  
*Sos. 28.*

*P. Gaspar Paës.*

In Æthiopia, cùm ob du-  
 biam Æthiopici baptismi  
 for-



formulā confertim & plebs  
& nobilitas peteret baptiza-  
ri, fecit id. Gaspar, etiam fef-  
sus in opere iucundo & glo-  
rioso . Pingendo quoque  
Regis, & aliorum animos  
excitabat ad pietatem . Im-  
peratoris mortuo superstes  
vidua in schismate pertinax,  
filio, baptizato licet, persua-  
sit; illius Regnum, nisi Ro-  
manâ fide profligatâ, stare  
non posse . Eiecto ergo Pa-  
triarcha nostro, Gaspar clan-  
destinus istic hæsit, ad Ca-  
tholicorum qui in fide per-  
sistebant solatium . In festo  
S. Marci in Gasparem Ca-  
tholicis instruendis intentū  
dynasta quispiam cum 150.  
lancearijs irruit; quorum fu-  
rore Gaspar occubuit, lan-  
ceis hastilibusq; confossus .  
Ipsi hostes obstupere, idq;  
di-

*Imagines  
Fides.*

*Sanguis  
mirus .*

*Mors.*

disertè postea testati sunt ;  
 Patris Gasparis sanguinem  
 è vulneribus manantem nõ  
 decidisse in terram ; sed in  
 cælum , seu in aërem , eua-  
 nuisse . ✕

*Cælum.*  
✕ *P. Christoph.**Ferreira*

26 April.

V. pag. 415.

*Anglus.*

Londini.

29 April.

1602.

*Lectio spi-**rit.**Fides.*

*P. Franciscus Pagius.* Nou-  
 tius .

*P. Ioannis Tomsoni* fami-  
 liaritate conuersus, & ad cę-  
 lestia permultum accensus  
 est, potissimum cum salubre  
 quiddam animo suo ab eo  
 ad exscribendum accepisset.  
 Patribus in Anglia seruiuit;  
 eapropter pericula, vincu-  
 laque perpeffus. Postea Sa-  
 cerdos exempli optimi, ac  
 zelo forti plenus, cum So-  
 cietate impetratâ, iter para-  
 ret in Belgium ad ponendũ  
 ibi tyrocinium, captus ;  
 & Londini maiestatis læsæ  
 (quod Sacerdos esset) dam-

na-

natus, suspensus, excarnificatus est.

*P. Abrahamus Georgius.*

Hic etiam tum infans, *Maronita.*  
quarta & sexta quavis feria *ad mare rubrum.*  
à sugendo lacte abstinerebat. *April.*  
Cum B. Aloysio ad S. Ioan- *1595.*  
nem in Laterano minoribus *etat. 32.*  
initiatus ordinibus, postea  
in Lusitania Santarenæ ad-  
mirandam, quæ istic est, Eu-  
charistiæ hostiam adorans  
vidit in illa Christum Cru- *Euchar.*  
ce onustum; à quo animatus *Cruz.*  
est ad mortem, quam intel-  
lexit sibi esse in fidei odium  
inferendam; idque socijs  
latus dixit. Inter summas  
Indiæ ærumnas, deliciarum  
plenus, in hæc identidem  
erumpebat: *O quæ diuitia, o* *Pauper-*  
*quæ diuitia sub sæta ista pau-* *tas.*  
*pertate latent!* In Æthiopiã  
institoris Armemi instar de-  
sti-

*Fides.*

stinatus, à Matthia Albuquerque Prorege agnitus, & amplexu salutatus est; dicēte illo: Hæ sunt artes quibus suos in mortis discrimina dat, & oculos mortalium fallit, vt animas lucretur, Societas! Ibi proditus, tentus, & id ad quod istuc ibat fassus, cū iuberetur Christum abijcere, vel saltem id simulare, spe libertatis, mercium, ac dignitatum oblatā; id execratus, in carcerem detrusus est. Inde eductus, iussus est vel mori, vel dicere: Alius non est Deus, quā Deus, & Mahometes eius Apostolus; mori elegit; accepitque mortis sententiā. Ad gloriosum supplicium Societatis cultu prodijt, vt Sacerdos, in oppido Delec. Primus gladius in illum vibra-

bratus fractus est : alter leue  
illi vulnus infixit, & fractus  
est : tertio demum cæsus est  
felix . Fuit Abrahamus, ho-  
mo suarum perturbationum  
pacatè potens . Semel in die  
vescebatur : silentij magno-  
perè amans . Dixit quispiam;  
se per illū obtinuisse à Deo  
quædam, & absentis cuius-  
dam futuram in Societate  
defectionem didicisse . Præ-  
dixit; se in Æthiopiam mini-  
mè peruenturum . Saraceni  
ad spectaculum effusi, testati  
sunt, ad eius sepulchrum, per  
iplos 40. dies, faces igne cæ-  
lesti splendidas luxisse . Tres  
etiam aues ignotæ atque  
candidæ locum circumuola-  
re sunt visæ . Omnes illius  
necis authores ante euolu-  
tum 40. dierum interuallum  
extincti; omnibus qui id no-

*Mortif.*

*Oratio .*

*Predictio.  
Faces  
celi.*

ta.

tauere stupentibus. ipse Insulae Gubernator, semestri elapso, capitis supplicium luit.

*P. Iosephus Furlanettus.*

Venetiae illi patria fuit.

*Italus.  
Arima.  
Aprili.  
1593.  
aet. 44.  
Soc. 22.*

Goam difficillimam, & plus quam mille quingentis vectoribus morbo absumptis exitiali nauigatione appulsus, in Scimo Christianos excoluit: Tacazzukij iuuentutem in Seminario rexit: gentiles plures quam ibi, quam in vicinia Christo addixit: & in oppido vnico supra bis mille sexaginta capita baptismo iustravit. In Insula Gotò laboranti sub Tono tyranno Ecclesiae clam succurrit; & veneno à barbaris porrecto quassatus, atroci dolorum vi cruciatus, Arimæ tandem gloriosum finem suis doloribus

*Fides.*

ri  
su  
ta

li  
b  
fo  
m  
ra  
tu  
ta  
m  
fu

li  
ca  
P  
9

ribus atque laboribus, inter  
summa patientiæ documen-  
ta, imposuit.

MAIUS.

P. Ioannes Pereira.

**C**VM P. Gaspare Paës *Lusitanus.*  
(de quo dixi 25. Apri- *Assæ.*  
lis) in Æthiopia inclycis la- *2. Maij.*  
boribus felix, lanceis con- *1635.*  
fossus, sub accenso fæni cu-  
mulo positus tum adhuc spi-  
rans; inde à pia fæmina eru-  
tus, à Christianis fatus, Assæ  
tandem 2. Maij diem extre-  
mum gloriosâ morte con-  
summauit.

P. Henricus Garnetus.

Coniurationem à Catho. *Anglus.*  
licis quibusdam temerè fa- *Londini.*  
ctam in Anglia, vt subiecto *3. Maij.*  
puluere pyrio summa quæ- *1606.*  
que hostium religionis Ca-

G tho-